

TEZĂUR LITURGIC

13 MAI

**ACATISTUL
SF. CUVIOȘI
IOAN, EFTIMIE
ȘI GHEORGHE I
DE LA
IVIRON-ATHOS**



TBILISI, 2000



დაუჯდომელი საგალობელი ღირსთა და
ღმერთშემოსილთა მამათა ჩუენტა
იოვანე და გაბრიელ ქართველთა,
იოვანე-თორნიკყოფილისა და ეფთვიმი და
გიორგი მთაწმიდელთა

კონდაკი 1

შესხმით გიგალობთ ეფთვიმისთანა დიდსა გიორგი მთაწმინდელსა, იოვანე თორნიკყოფილსა - ქრისტეს მკედარსა, და იოვანე და გაბრიელ ქართველთა, და ღმრთისა მიმართ მიგავლენთ შუამდგომელად, რადთა თანაწარგუხადოს რისხუად, სამართლად აღძრული ცოდვათა ჩუენტათჳს და დაჯსნას კადნიერებად ურიცხუთა მტერთა ჩუენტად, რომელნი მარადის გვმძლავრობენ და გვაჭირვებენ და მოგუმადლოს უშფოთველი და გონიერი ცხორებად შემსხმელთა თქუენტა: გიხაროდენ, ღირსნო მამანო ათონელნო, ჭემმარიტნო მწყემსნო და მოძლუარნო ქართველთა ერისანო!

იკოსი 1

ძალნი ცათანი განაკვრვანა ზეგარდამო თქუენდამი
ბოძებულმან მადლმან საკვრველთმოქმედებისამან,
აღმატებულმან კაცობრივსა ძალსა და სიტყუასა, და
ჩუენცა მადლობასა შევსწირავთ იესუს, ღმერთსა
ჩუენსა, რომელმანცა არა უგულებელს-ყო ერი ესე
ჩუენი საზეპუროდ, მეოხებითა დედისა თვისისათა და
მოგავლინათ ეგე ვითარნი მამანი საწვრთელად და
გულისჯმის საყოფელად ჩუენდა, რათა მოშურნე და
მოზამავ სათნოებათა თქუენტა ვიქმნნეთ და ჳმა-
ვჳყოფდეთ მადლიერად:

გიხაროდენ, ათონითგან აღმობრწყინებულნო
მნათობნო საქართველოდსანო;

გიხაროდენ, ახოვანნო ქადაგნო
მართლმადიდებლობისანო;

გიხაროდენ, უბრძოლველნო ზღუდენო
კეთილმსახურებისანო;

გიხაროდენ, უდაბნოდსა მოყუარენო, მსგავსად
დიდისა წინამორბედისანო;

გიხაროდენ, განმავრცობელნო გრიგოლ ხანძთელისა
ღუაწლისანო;

გიხაროდენ, სუეტნო და სიმტკიცენო მონაზონთა
კრებულისანო;

გიხაროდენ, მსახურნო ღმრთისანო და ერთგულნო

მამულისანო და მეფისანო;
გიხაროდენ, წესნო და კანონნო ეკლესიისანო;
გიხაროდენ, უწმიდესნო ვარსკულავნო საღმრთოდსა
დიდებისანო;
გიხაროდენ, ზეციერნო წინამბრძოლნო ერისა
ჩუენისანო;
გიხაროდენ, მიურულებელნო მცველნო და ქომაგნო
ივერთა მიწა-წყლისანო;
გიხაროდენ, ღირსნო მამანო ათონელნო, ჭემმარიტნო
მწყემსნო და მოძღუარნო ქართველთა ერისანო!

კონდაკი 2

მადლმან ღმრთისამან დაიმკვდრა შენთანა, მკნეო
იოვანე, და სიმდიდრეწ წარმავალი დაუტევე ახოვანმან
და რჩეულმან წყობათა შინა და განათავისუფლე თავი
თუსი ყოველთაგან ზრუნვათა ამის სოფლისათა,
ხოლო მიიწიე რად ლავრასა დიდებულსა ოთხთა
ეკლესიათასა, მუნ მყოფნი მამანი: ღირსი მოსე და
გელასი განაკვრვე მონაზონებრივითა ღუაწლითა,
რამეთუ ერთი ხოლო ზრუნვად გაქუნდა, რადთამცა
ღმერთსა სათნო-ეყო ლოცვითა და მარხვითა,
ეგრეთვე აწ მორწყე სულნი ჩუენნი სწავლითა და
მოძღურებითა საღმრთოდთა, რადთა სურვილითა
შენითა ვილუაწოთ ახოვნად და ღირს ვიქმნეთ
გალობად ღმრთისა: ალილოუია.

იკოსი 2

განითქუა რად ჰამბავი შენი სახელოვნად ქართველთა შორის, უცხოებად გექმნა წინამძღურად გზასა ჭეშმარიტსა, და მამათა კურთხევითა მიიწიე რად მთასა ულუმბოდსასა, ისარნი ბოროტისანი განხურვებულნი დაშრიტენ მორჩილებითა, და ჯორთა მსახურებად იტვრთე სიმდაბლითა, ეგრეთვე აწ განანათლე სული ჩემი ბრწყინვალეობითა მაღლისა შენისადათა და განაშორენ ყოველი სილაღლჳ და ამპარტავნებად დაბნელებულისაგან გონებისა ჩემისა, რადთა მარადის ვიქმოდეთ სათნოყოფასა ღმრთისასა და გნატრიდეთ სარწმუნოებითა:

გიხაროდენ, ქრისტჳს ჯუარისა ბეჭთა თვსთა ზედა აღმღებელო;

გიხაროდენ, სიმდაბლესა შინა და მორჩილებასა საქებელო;

გიხაროდენ, საყუარელისა მამულისა დამტევებელო და ზეციერისა მამულისა აღმრჩეველო;

გიხაროდენ, სიყუარულისათვს ღმრთისა დიდებისაგან ამის საწუთროდსათა განრომილო და ზეციერისა დიდებისა მომხვეჭელო;

გიხაროდენ, ღმრთისმეტყუელებისა მაღლისა მომგებელო;

გიხაროდენ, ცუდად მზვაობართა და მტყუართა

მომძულეებელი;
გიხაროდენ, საღმრთოდასა შურისა და კრძალულებისა
მასწავლელი;
გიხაროდენ, ჭეშმარიტებისა გზათაგან შეცთომილთა
მამხილებელი;
გიხაროდენ, მაცთურისა დიდებისა და საფრჯეთა
მისთა დაუცადებელითა ლოცვითა და ფსალმუნებითა
დამშრეტელი;
გიხაროდენ, ქრისტესს სამწყსოდასა
მართლმადიდებლობითა გამომზრდელი;
გიხაროდენ, ღირსნო მამანო ათონელნო, ჭეშმარიტნო
მწყემსნო და მოძღუარნო ქართველთა ერისანო!

კონდაკი 3

აზნაურებისა მის დამტევებელი აბრაჰამისებრ
ჰმწირობდ უცხოდასა ქუეყანასა, და გესმა-რად,
ვითარმედ ძჳ შენი, ეფთჳმი, მძევლად მისცეს მეფესა
ბერძენთასა, აღზვედ კონსტანტინეპოლედ - სამეუფოდ
ქალაქად, ძჳ შენი გამოიკსენ და ულუმბოდვე
მისრულმან აღზარდე სულიერად, ეგრეთვე აწ
შეგვეწიენ მამობრივითა მოწყალებითა შენითა, რადთა
მამანი ჩუენნი დლითი-დღე ასწავებდეს საღმრთოდასა
სჯულისა და მამულისა სიყუარულსა შჯლთა თჯსთა
და დედანი ქართველთანი შჯლთა სასიქადელოდ
ზრდასა შეუდგეს ძუელთა დედათა მიბაძვთა, რადთა

ყოველნი სიბრძნით ვიდოდეთ გზასა
ჭეშმარიტებისასა და მარადის უგალობდეთ უფალსა:
ალილუია.

იკოსი 3

ყოველსა ქუეყანასა განხდა ჳმად სათნოებათა შენთად,
მჳნეო იოვანე, და ევლტოდე რად დიდებასა კაცთა
მიერსა, წარიყუანე ძჳ შენი, ეფთჳმი, და ფარულად
მიიწიე რად მთაწმიდას, ლავრასა დიდისა ათანასჳსა,
სათნოებათა და სასწაულთა შენთა დაფარვითა
არცხვინე მჳდომსა ამჳარტავანსა, ეგრეთვე აწ
დაშრიტე ერსა ჩუენსა ზედა აღძრულნი უკეთურთა
ზრახვანი და მწვალებელთა ენანი მოაუძღურენ
ძალითა ქრისტჳსითა, რადთა ვიდოდეთ გზათა
სიმართლისა და ჳეშმარიტებისათა, და უვნებელად
დაცულნი ვიტყოდეთ წადიერად:

გიხაროდენ, საღმრთოდთა მოქალაქობითა კაცთა
შორის ანგელოზთაებრ განბრწყინებულო;

გიხაროდენ, ჳორციითა განკაფულო და სულითა
განშუენებულო;

გიხაროდენ, ფუტკარო, ასკეტთაგან სიქუელისა
თაფლისა შემჳრებელო;

გიხაროდენ, აბრაჳამისებრ ბრძენო, უხილავსა ზედა
საკურთხეველსა ძისა შენისა შემწირველო;

გიხაროდენ, ხეო კეთილფურცლოვანო, მორჩისა

კეთილისა გამომღებელო;
გიხაროდენ, სოფლის მპყრობელისა მაცდურისა
განმბასრველო;
გიხაროდენ, ყოვლისაგან საქმისა ბოროტისა და
აღძრვისაგან ჯორცთადასა გამომქსნელო;
გიხაროდენ, უმეცართა და ურჩთა განმსწავლელო;
გიხაროდენ, უღმრთოებისა სიმყრალისა განმდევენელო
და ღმრთისმსახურებისა თესლისა დამნერგველო;
გიხაროდენ, ქართველთა ერისათჳს
კეთილმსახურებითისა სიტკბოებისა უფლისაგან
გამომთხოველო;
გიხაროდენ, გლახაკთა ჳელის აღმპყრობელო და
ქურივთა და ობოლთა განმკითხველო;
გიხაროდენ, ღირსნო მამანო ათონელნო, ჭემმარიტნო
მწყემსნო და მოძღუარნო ქართველთა ერისანო!

კონდაკი 4

მოსწრაფე იყავ შენ ღმრთისა მიერ აღძრვითა, ნეტარო
იოვანე, მისა შენისა სწავლად თარგმანებასა, ხოლო ძჳ
შენი ეფთჳმი, სიყრმითგანვე მაღლისაგან საღმრთოდსა
განათლდა და მიეცა გონებაჲ მაღალი, მხედველი
საღმრთოთა სიბრძნეთა, და გულისჳმის-ყოფაჲ
მეტყველებად ენათა და თარგმანებად წიგნთა, ვითარ
ეუწყა მას გამოცხადებითა წმიდისა
ღმრთისმშობლისაჲთა, რადსთჳსცა მხოლოდშობილსა

ძესა მისსა წილ-ხდომილნი მისნი შევსწირავთ
გალობასა ღირსსა: ალილუია.

იკოსი 4

ჟამსა სიყრმისასა ფრიად დასნეულდა ძჳ შენი, იოვანე,
და არარად სარგებელ ეყო წადიერებად მკურნალთად,
ხოლო შენ შეხვედ ეკლესიად, და თაყუანის-ეც
წმიდასა ხატსა უბიწოდსა დედი-სასა და ცრემლთა
დათხევითა ავედრებდი რად ეფთჳმისა, მოხედა
კეთილმოწყალემან დედამან მწუხარებათა შენთა და
მოჰმადლა სიმრთელჳ და სული სიბრძნისად ძესა
შენსა, ამისთჳსცა თაყუანის-ვსცემთ ქალწულსა
ღმრთისა დედასა, და შეგასხამთ სამადლობელსა
ქებასა:

გიხაროდენ, მდაბალო და შეურაცხებისა მოყუარეო;
გიხაროდენ, რჩეულო ჭურო სათნოებათაო და სავანეო
ღმრთივშუენიერთა საქმეთაო;

გიხაროდენ, დიდისა ათანასისა მზრახვალო და
მოზამავო მოციქულთაო;

გიხაროდენ, მწყემსო კეთილო საღმრთოთა
სამწყსოთაო;

გიხაროდენ, წესო და კანონო მონაზონთაო;

გიხაროდენ, თანა-ზიარო პირველთა მათ
მართალთაო;

გიხაროდენ, დიდო სამკაულო ღმრთისმსახურთაო და

წინამძღუარო უდაბნოდსმოყუარეთაო;
გიხაროდენ, საყუდელო მოხუცებულთა და
ჭაბუკთაო;
გიხაროდენ, მოწყალეო და მწყალობელო გლახაკთაო;
გიხაროდენ, შემწეო და შესავედრებელო
შეცდომილთაო;
გიხაროდენ, ტკბილო მამაო ყოველთა შენდამი
მოლტოლვლთაო;
გიხაროდენ, კეთილო შუამდგომელო შორის ღმრთისა
და კაცთაო;
გიხაროდენ, ღირსნო მამანო ათონელნო, ჭემმარიტნო
მწყემსნო და მოძღუარნო ქართველთა ერისანო!

კონდაკი 5

იყოფოდი რაჲ ეკლესიას, ჩუენებაჲ იხილა ძემან
შენმან, და მიხვედ რაჲ, ღირსო იოვანე, ხედევდ
მრთელსა და უვნებელსა - „რაჲ არს ესე შჯლო ჩემო?“,
- ჰკითხე განცვფრებით ძესა შენსა, და აღალო რაჲ
პირი თჯსი ყრმამან, ვითარცა წყაროდ, დაუყენებელად
აღმოდინ უწმიდეს ყოველთა ქართველთასა:
„წარმომიდგა მე ბრწყინვალედ მოსილი დედოფალი
და ენითა ჩუენითა მრქუა: - რაჲ გევნების ეფთჯმი?, -
მოგკუდები, დედოფალო - ღაღად-ვყავ ცრემლითა,
ხოლო იგი განმკურნებდა და მეტყოდა: ნუ გეშინინ,
ყრმაო, აღდეგ და ჳსნილად უბნობდი ქართულად“ -

და აჰა, ვითარცა ხედავ, განმარინა მე მწარეთაგან სალმობათა“, ხოლო შენ გესმა რად ესე, სანატრელო, მაღლისა და წყალობისა გარდამხდელმან მიუძღუანე გალობად ღმრთისმშობელსა და ჳმა-ტკბილად ადიდებდი მისგან შობილსა ქრისტესა ღმერთსა: ალილუია.

იკოსი 5

მუნ ჟამადმდე მწუხარე იყავ, ღმრთივგონიერო იოვანე, რამეთუ ძნიად უბნობდა ქართულად ძღ შენი, გარნა მიემთხვია-რად სანატრელსა მას ხილვასა, ანგელოზთაგან ოდენ ღირსქმნილსა, მობერვითა სულისადათა ჳმობდა დიდებასა ქრისტეს ღმრთისასა და უაღრეს ძალთა კაცობრივისა ადიდებდა ტკბილსა და ნუგეშინისმცემელსა დედასა მისსა, რომლისა მომადლებითა და წყალო-ბითა სრულ-იქმნა ღუაწლი თქუენი, და სიყუარულითა თქუენითა მგზებარენი მაღლობასა შევსწირავთ ღმრთისმშობელსა და აღვიძრვით გალობად თქუენდა:

გიხაროდენ, კაცნო, გულის სათქუმელნო სულისანო, ჳემმარიტო ამაღორძინებელნო ღმრთისშემეცნებისანო; გიხაროდენ, კლდენო განუკვეთელნო მართლისა სარწმუნოებისანო;

გიხაროდენ, თანაზიარნო საღმრთოდსა სიყუარულისანო;

გიხაროდენ, ოქროცურვილნო ლამპარნო
ღმრთისმოსავობისანო;
გიხაროდენ, უშურველნო წყარონო წყალობისანო;
გიხაროდენ, ფარნო, დამცველნო
კეთილმსახურებისანო და მახზლნო, განმკუეთელნო
ბოროტმსახურებისანო;
გიხაროდენ, ქადაგნო ჳმა-მაღალნო ყოვლადწმიდისა
ღმრთისმშობლისანო;
გიხაროდენ, კანონნო სიმართლისანო და
ნუგეშინისცემისანო;
გიხაროდენ, დიდებანო და სიქადულნო საყუარელისა
მამულისა თქუენისანო;
გიხაროდენ, სასანთლენო ყოვლად ბრწყინვალენო,
ცისკროვან-მყოფელნო ქართველთა ერისანო;
გიხაროდენ, მოუწყინებელად მოქმედნო ქრისტეს
ვენაჯისანო;
გიხაროდენ, ღირსნო მამანო ათონელნო, ჳემმარიტნო
მწყემსნო და მოძლუარნო ქართველთა ერისანო!

კონდაკი 6

მაშინ გეტყოდა ყოვლად ბრძენი მამაჲ შენი, ეფთჳმი, -
„ქუეყანაჲ ჩუენი ფრიად ნაკლულევან არს წიგნთაგან,
და ტალანტი იგი რომელი ღმერთსა მოუმადლებია
შენდა, ვითარცა სარწმუნომან მონამან, განამრავლე და
მრავალ-წილ მიართვი ივერთა ეკლესიასა“ - და შენცა

მორჩილად შეუდევ ბრძანებასა მისსა, და ვითარცა ფუტკარი სიტყვიერი იღუწიდი რად ტკბილსა მას თაფლსა წიგნთა საღმრთოთასა, თარგმანთა შენთა ნეკტარითა დაატკბობდი ენასა ჩუენსა და ეკლესიასა, ამისთჳსცა მგალობელნი მას შინა დიდებისგმეტყუელებთ, და ვითარცა ორღანოდთა ჳმითა ტკბილითა უგალობთ განმაბრძნობელსა შენსა: ალილუია.

იკოსი 6

რაჟამს წყარომან წყლისა ცხოველისამან, დედოფალმან ღმრთისმშობელმან, გასვა სიბრძნჳ, ეფთჳმი სანატრელო, ბაგეთა შენთა გარდამოეცა წყაროდ უხრწნელებისად უხუად მომრწყუელად ურწყულსა ქუეყანასა შენსა, რომლისა ჳელმწიფჳ მოსწრაფე იყო, რადთა თარგმნიდე ბერძენთა ენისაგან და წარგზავნიდე წიგნთა საღმრთოთა, ამისთჳს არა სცემდი განსუენებასა თავსა თჳსსა და კეთილმსახურებისა წერილნი წარუგზავნე დავით კურაპალატსა, ხოლო იგი სიხარულითა ჳმობდა: „მადლი ღმერთსა, რომელმან ერსა ჩუენსა ახალი ოქროპირი გამოუჩინა,“, და აქებდა გულსმოდგინებასა შენსა:

გიხაროდენ, სიჩოოდთგან ღმრთისა შეწირულო და უბიწოდთა მღდელობითა ქრისტესა შედგომილო;

გიხაროდენ, ლოცვითა განწმედილო და
წინადაწარცნობისა მადლითა განმდიდრებულო;

გიხაროდენ, უბიწოდსა ქალწულისა მიერ მარიამისა
გამოუთქუმელითა სიხარულითა აღვსებულო;

გიხაროდენ, დაფარულთა საიდუმლოთა ენითა
ქართულითა ღმრთივშუენიერად მეტყუელო და
სიბრძნეთა განმფენელო;

გიხაროდენ, მსმენელთა გულისა გულისცმისყოფად
განმკრძალველო;

გიხაროდენ, მამაო ყოველთა თარგმანთაო, წმიდათა
წერილთა და მართლმადიდებელ მამათა მიერ
აღწერილთა განმამრავლებელო;

გიხაროდენ, ენითა მით ღმრთისმეტყუელითა
ყოვლისავე ჯელოვნებისა სიტყუათადასა დამკსნელო
და ჰურიებრივისა დრტვნვისა აღმკვეთელო;

გიხაროდენ, სულთა მარგებელთა სწავლებათა
მომმადლებელო და სულთა მავნებელთა სწავლებათა
დამამდაბლებელო;

გიხაროდენ, თითოფერთა ყუავილთაგან ერთად
გოლად საუკუნოდსა სიტკბოებისა ქართველთა
ნათესავისდა დამაუნჯებელო;

გიხაროდენ, იშვიათთა ჯელნაწერთა
გარდამომლებელო და წიგნთა სიღრმისა ძალსა
შუენიერად განმმარტებელო;

გიხაროდენ, წესთა და კანონთა ეკლესიისათა,

დამამტკიცებელთა სარწმუნოებისა ჩუენისათა,
უცთომელო აღმწერელო;
გიხაროდენ, ქართლოსიანთა შორის
ღმრთისმცნიერებისა დამნერგველო და
ცრუმორწმუნე-ობისა ბიწისა აღმვოცელო;
გიხაროდენ, ღირსნო მამანო ათონელნო, ჭემმარიტნო
მწყემსნო და მოძღუარნო ქართველთა ერისანო!

კონდაკი 7

გესუა რად ძმად ღმრთისმოშიში, სპასპეტი ქართლისად,
თორნიკ ჩორდვანელი, არა ჰრიდა მან ჰასაკსა და
პატივსა მწედრობისასა, და იტვრთა რად ღუაწლი
მონაზვნებრივი სიყუარულისათვს ღმრთისა,
შთასრულმან ულუმბოთა ვერღარა გპოვა მუნ, ღირსო
იოვანე, და მოსრულმან მთაწმიდასა მოიწია რად
ლაგრასა დიდსა, მოიკითხნეთ ურთიერთას კეთილთა
მათ მოყუარეთა და ჰმადლობდით ღმერთსა,
რომელმან ხილვად ურთიერთას კუალადცა ღირს-
გყვნათ და უგალობდით სახიერებასა მისსა:
ალილოუია.

იკოსი 7

განხდა რად სახელი თქუენი ყოველთა ცისკიდეთა,
შეწევნითა ღმრთისადთა იწყეს ქართველთა მოსლვად
და განმრავლებად, და ესე რად იხილეთ მცნეთა,

აღაშენეთ იოვანე მახარებლისა ეკლესიად და სენაკები უდაბნოსა შუენიერსა, ხოლო ღმრთისმშობლის წილხუედრი ერი დაამკვდრეთ მისდავე წილხდომილსა მთასა ზედა, ევედრეთ აწ ქალწულსა ღმრთისმშობელსა, მაღლი და კურთხევაჲ ერსა ჩუენსა განუახლოს და მთაწმიდას, ივერთა მონასტერსა შინა კუალად განამრავლოს ნათესავი ქართველთაჲ, რადთა არა დაგვიწყოთ კეთილმოქმედებაჲ თქუენი და კსენებისა თქუენისა სრულმყოფელნი ვნატრიდეთ სიბრძნესა თქუენსა:

გიხაროდენ, სიტყუერნო გოდოლნო შეუძრველნო და ძეგლნო სიმჯნისანო, ურყეველნო; გიხაროდენ, თანამკედარნო და უგამოცდილესნო ერისთავნო, ტაოთგან აღმოცენებულნო;

გიხაროდენ, თანამოსაგრენო, მთაწმიდას აღყუაგებულნო;

გიხაროდენ, სიბრძნით-მეტყუელნო და საღმრთოთა წერილთა მართლიად აღმსრულებელნო;

გიხაროდენ, სოფლიურისა სიმდიდრისა და განსუენებისა წილ სიმდაბლისა და სიგლახაკისა შემყურებელნო;

გიხაროდენ, ერთითა სულითა მქცეველნო და ყოველთა მავნებელთა საქმეთა მსწრაფლ აღმომფხურელნო;

გიხაროდენ, ახოვნებითა სულისაჲთა სულ-მოკლეთა

და უღებთათჳს მაგალითისა მიმცემელნო და უღებთა მარცხვენელნო;

გიხაროდენ, უცხოებასა შინა მყოფთა თჳსტომთა ნუგეშინისმცემელნო და ჳელის-აღმჳყობელნო;

გიხაროდენ, უბიწოთა მოქალაქეთა და მოღუაწეთა ძმათა ერთად შემკრებელნო;

გიხაროდენ, ბერ-მონაზონთა ღუაწლთა შინა განმამტკიცებელნო და ეკლესიისა დიდთა მნათობთა გამომზრდელნო;

გიხაროდენ, მტერთა ბოროტისა განზრახვისა განმაქარვებელნო;

გიხაროდენ, ღირსნო მამანო ათონელნო, ჳემმარიტნო მწყემსნო და მოძღუარნო ქართველთა ერისანო!

კონდაკი 8

ოდეს საბერძნეთსა გადგა სკლიაროსი და ყრმათა მათ მეფეთა მხდომად აღუდგა, მაშინ მისწერეს იოვანეს და დიდსა ათანასის: „ბრძოლასა შინა არავინ არს შემწჳ ჩუენი თჳნიერ დავით კურაპალატისა, აწ გევედრებით, ვითარცა დიდი მჳედართ-მძღუანი, იოვანე თორნიკ-ყოფილი წარვიდეს წინაშე მისა“, გარნა შენ არა გენება, ღირსო, მონასტრისაგან განრომაჲ, არამედ შეგეწყალნეს ყრმანი მეფენი და მამათა კურთხევითა ტაოს წარემართე, ეგრეთვე აწ მწედ და შუამდგომელად აღგძრავთ შენ, ზეცისა

მეუფისა მკედარსა, და უფალსა შევლადებთ:
ალილუია.

იკოსი 8

მიიწიე რაჲ წინაშე დავით კურაპალატისა და ყოველი
განსაცდელი მათი აუწყე, მყისვე სპასალარად
განგაჩინა, ნეტარო თორნიკ-იოვანე, და ლაშქრითა
რჩეულითა წარგზავნა საბერძნე-თს, ხოლო შენ
ბერულისა სამოსელისა აღმძარცველმან ჯაჭუ-ჭური
რკინისაჲ შეიჭურე, და განხუედ რაჲ წყობად
მკდომთა, შეწევნითა ღმრთისაჲთა დაამკუე, მაშინ
იხარებდეს ღირსად მეფენი ბერძენთანი, და „ზემონი
ქუეყანანი“ კურაპალატსა მიანიჭეს, ხოლო შენ
სუნგელოზისა პატივი მოგმადლეს, ახოვანო, და
ვითარცა ქრისტჳს მკედარსა, უძლეველსა,
სამადლობელი ქებაჲ შეგასხეს:

გიხაროდენ, სიმკნეთა მიერ შენთა ქრისტჳსმოყუარისა
მკედრობისა განმამლიერებელო და მწყალობელო;
გიხაროდენ, ყოველთა მიმძლავრებულთა და
ჩაგრულთა მფარველო;
გიხაროდენ, კეთილმორწმუნეთა მთავრობათა
მაკურთხეველო და მსწრაფლ-მსმენელო;
გიხაროდენ, მკედრობითისა ვაჟკაცობისა მასწავლელო
და მამაცობისა აღმძრველო;
გიხაროდენ, მორჩილებისათჳს მამათაჲსა ჳრმლისა

ძლიერისა აღმღებელი;

გიხაროდენ, ქუეგამხედველთა და შურისმგებელთა მარცხვენელი;

გიხაროდენ, სარწმუნოებისა და მამულისაგან განდგომილთა შემრისხველი;

გიხაროდენ, განლაღებულისა სკლიაროსისა უკუნ-მქცეველი და დამამხობელი;

გიხაროდენ, მეფეთა ზედა ბერძენთასა მოწევნადისა მის ძნელბედობისა დამაცხრობელი და სკიპტრისა მათისა დამამტკიცებელი;

გიხაროდენ, ივერიელთა სულიერისა სიმჯნისა განმამტკიცებელი;

გიხაროდენ, ზეცისა მკედრად აღწერილი, ძლევისა მოსაგებელისა მომგებელი;

გიხაროდენ, ღირსნო მამანო ათონელნო, ჭემმარიტნო მწყემსნო და მოძღუარნო ქართველთა ერისანო!

კონდაკი 9

რაჟამს თორნიკ დიდითა საფასითა კუალად ათონადმდე მოიქცა, ნებად თვისი სრულიად განჰკვეთა და შეუდგა მორჩილებასა შენსა, მაშინ განიზრახეთ, მამაო იოვანე, ქართველთა სავანისა აღგებად და აღაშენეთ ლავრაჲ ესე დიდებული ზღვსკიდესა, ეგრეთვე აწ მოგუმადლეთ ჩუენცა საღმრთოდ მოშურნეობაჲ მამულისაჲ, და ახოვნებაჲ სულისაჲ,

რადთა ვსტიროდეთ დაკარგვისათჳს მონასტრისა ამისა, და იესუს, მჯსნელსა ჩუენსა, უგალობდეთ სულითა და ჭემმარიტებითა: ალილუია.

იკოსი 9

ხედევდი რად, წმიდაო მამაო, სიმდაბლესა და მორჩილებასა დიდისა თორნიკისსა, შენცა ჯეროვნად პატივს სცემდი მას და სწყალობდი სიბერესა მისსა, გარნა ნეტარი იგი წყობასა შინა აღზრდილ იყო და სალაშქროთა საქმეთა თხრობად უყუარდა, ხოლო შენ შეგეწყალნეს, ბრძენო იოვანე, და მიუთხარ თაფლ-მწთოლვარითა ენითა: „უკეთუ გინდეს სოფლიურთა საქმეთა უბნო-ბად, მოლუაწეთა შორის რჩეულსა გაბრიელსა მიუთხარ“, რომელი დაყუდებულ იყო ნაპრალთა შინა მახლობლად მონასტრისა და ჟამსა ზამთრისასა იყოფებოდა ივერთა სავანესა, ხოლო ჩუენ ვაქებთ ეგზომსა სულგრძელებასა შენსა და წინაშე ხატთა თქუენთა წარდგომილნი ვღალადებთ წადიერად:

გიხაროდენ, სულიერად ერთსულნო და ძმანო ჯორციელნო, რამეთუ გამოაბრწყინეთ სახელი მშობელისა ქუეყანისად;

გიხაროდენ, ცათა მობაძავთა ეკლესიათა აღმმართველნო, რამეთუ ათონს ქართველთა განმრავლებად ილუაწეთ და ალაგი ეგე წმიდად

ნათესავსა თქუენსა დაუმტკიცეთ;
გიხაროდენ, კეთილითა მუშაკობითა განშუენებულნო,
რამეთუ თვსნი თქუენნი უცხოსა ქვეყანა-სა
დაამკვდრეთ და უფროდს მკვდრთა მათ ბერძენთასა
ადიდეთ;
გიხაროდენ, სამოციქულოსა ძალსა მიწვდომილნო,
რამეთუ საუფლოდსა ერისა ძილი სულიერი
განაფრთხვეთ და გზასა მას სამეუფოსა წარმართეთ;
გიხაროდენ, სათნოებათა და მოღუაწებათა მიმართ
მაწვეველნო, რამეთუ ყოველსა ღირსებისაებრ
სწყალობდით და აღადგინეთ კაცნი ბაძუად თქუენდა;
გიხაროდენ, მრავალთა სულთა ნავთასყუდელნო,
რამეთუ მრავალნი მოისწრაფდეს სმენად სიტყუათა
ღმრთისათა თქუენგან და თქუენ თანა ყოფად;
გიხაროდენ, სულიერად ერთსულნო და ჯორციელად
უმტკიცესნო, რამეთუ ღმრთისა მიერ მოგენიჭათ
თქუენ ძალი სასწაულთა დიდთა აღსრულებისაჲ;
გიხაროდენ, ყოვლისა ქართველთ ზნეობათა
აღმამაღლებელნო, რამეთუ ერი ღმრთისაჲ აცხოვ-ნეთ
დანთქმისაგან სულთა წარწყმედელისა;
გიხაროდენ, რამეთუ სათნოებაჲ თქუენი და ღირსებაჲ
არა ხოლო საქართველოსა ოდენ განეფინა, არამედ
სრულიად საბერძნეთად, იერუსალჴმსა და სინასაცა;
გიხაროდენ, რამეთუ იქადის ივირონი თქუენთა
შრომათათჳს მათ შორის აღსრულებულთა და

ღალადებს, ვითარმედ ქართველთა ძმათა
სამკვდრებელია;
გიხაროდენ, ქუეყანისა ანგელოზნო და კაცნო
ზეცისანო, რამეთუ ვითარ არწივნი ფრთივ-მალენი
მოვლით ყოველსა სოფელსა და ყოველთა
თაყუანისცემელთა თქუენთა უზესთაეს მზისა
გამოუბრწყინვებთ შეწევნისა თქუენისა საბოძვართა;
გიხაროდენ, ხატნო მეტყველნო, რომელნი წინა გვკვით
სახედ სიწმიდისად და სიმკნედ ახოვნებისა;
გიხაროდენ, ღირსნო მამანო ათონელნო, ჭემმარიტნო
მწყემსნო და მოძღუარნო ქართველთა ერისანო!

კონდაკი 10

ესმა რად ესე თორნიკ-ყოფილსა იოვანეს,
შედრწუნებული დავარდა ფერჯთა ზედა შენსა და
ცრემლით ითხოვდა შენდობასა, მაშინ სიყუარულითა
აღადგინე და სახელითა უფლისადათა შეუნდევე, ხოლო
მან შემუსრვილებაჲ გულისაჲ და მყუდროებაჲ
გონებისაჲ კრძალულებასა შეაზავა და მკცოვანებითა
კეთილითა სრულ-ქმნილი წარსდგა-რად წინაშე
ღმრთისა, აღირაცხა მკედრობასა თანა ზეცათასა და
მათ თანა უგალობს დამბადებელსა ყოველთასა:
ალილუია.

იკოსი 10

ეკა, უაღრესსა მას მიმადლებულებასა, გაბრიელ ქართველო, რამეთუ მრავალთა შორის მამათასა გამოირჩიე მიქმად დედისა ღმრთისა პატიოსნისა ხატისა, ცოცხლებრ მავალისა და უსხეულებრ ზღუასა ზედა დაუნთქმელად მქცევისა, რომლისა მიმგებელი მამაო საკვრველო, ზღუასა ზედა ხვიდოდი დაუნთქმელად, ხოლო სადა-იგი აღმოასვენე ხატი ღმრთისმშობლისაჲ, მუნ აღმოჰდა წყაროდ სასწაულთმოქმედი, რომელი კუალად აღმოადინებს კურნებასა, ეგრეთვე აწ ღირს-ჰყვენ შჳლნი ქართველთა ერისანი განუშორებელად მსახურებად ყოვლად წმიდისა ხატისა პორტაჲტისაჲსა და შესხმად შენდა, და გალობად ძალისაებრ მათისა:

გიხაროდენ, იოვანესა და ილიას მიმსგავსებულო უდაბნოდს მოყუარებითაო, რამეთუ საწუთოდ ესე წარმავალი მოიძულე, და ზრახვიდი ღმერთსა დაყუდებითა და სიმდაბლითა;

გიხაროდენ, რამეთუ სრულ იყავ სათნოებითა, კეთილი და შემძლებელი, განგებად სულთა ნებისაებრ ღმრთისა;

გიხაროდენ, მხილველო გამოუთქუმელთა საიდუმლოთაო, რამეთუ სიწმიდითა გულისაჲთა მარად მოიგე ხედვაჲ ღმრთისაჲ და ენაჲ, რომელი არა

იცოდი, გესმა;

გიხაროდენ, რამეთუ ცეცხლმოტყინარს ხატი
გამოჩნდა პირისპირ მთაწმინდისა;

გიხაროდენ, ფრიად მოყუარეო ღმრთისმშობელისაო,
რამეთუ ესმათ ბერძენთა „გაბრიელ ქართველი არს
გამომყუანებელი ხატისა ყოვლად წმიდისა და
მხოლოდ ბერი იგი არს ღირს შეხებად მისა“;

გიხაროდენ, პეტრეს წყალთა ზედა სლვითა
აღმატებულო, რამეთუ მიეახლე რად, დაუ-ნთქმელად,
ზღუამანცა, დედოფლისა მტკრთველმან, საკვრველად
მოგიბოძა ხატი მისი ცეცხლმ-ნთებარს და მიიქვი
მკერდსა ზედა;

გიხაროდენ, რამეთუ შემდგომად სამისა დღისა
ლიტანიითა მიაბრძანეთ სისხლისა წყლულებითა
აღბეჭდული ხატი მონასტერსა და კრძალვით
დაასუენეთ საკურთხეველსა, გარნა მიეფარა და
უჩინოდ იქმნა ხატი იგი საკვრველი და მრავლითა
ძიებითა იპოვეთ კარიბჭესა;

გიხაროდენ, დედისა ღმრთისა საკუთარო მონაო,
რამეთუ ძილსა შინა გეჩუენა და გრქუა: „არა მნებავს
მფარველობად თქუენი, არამედ მე ვარ მცველიცა და
მფარველიც ქართველთა ნათესავისა“;

გიხაროდენ, რამეთუ მიუთხარ რად ღმერთშემოსილსა
იოვანესა და ღირსსა ეფთჳმესა, აღაშენეს მათ ტაძარი
მცირს მახლობლად კარიბჭისა, და დაასუენეს მას

შინა საკვრველთ-მოქმედი ხატი იგი და უწოდეს „პორტაიტისა“;

გიხაროდენ, რამეთუ არა მივიდა იგი სხუასა მონასტერსა, არამედ ივერთასა ღირს იჩინა დავანებად და ეწოდა „დედად ღმრთისა ივერიის კარისა“;

გიხაროდენ, რამეთუ ესევეთარი ცხადი სასწაული ჩუენებულ იყო სიყუარულისა მისდა წილხდომილთა ერისათჳს წმიდისა ღმრთისმშობელისაგან, ოდეს საკვრველი ხატი თჳსი მოანიჭა ივირონსა;

გიხაროდენ, ღირსნო მამანო ათონელნო, ჭემმარიტნო მწყემსნო და მოძღუარნო ქართველთა ერისანო!

კონდაკი 11

ოდეს სარეცელსა ზედა მდებარე იოვანე მწარეთა ტკივილთა სიმჴნითა დაითმენდა, მორჩილ იქმენ ბრძანებათა მისთა, ეფთჳმი სანატრელო, და წინამძღომითა მისითა განაგებდი ივერთა სავანესა, ხოლო ვითარ იკონომოსი და მზრუნველი, ათანასეს დიდსა ლავრასაცა, და განსწავლიდი ბერძულთა მონასტერთა მამასახლისთა და ილუმენთა, გარნა ეგულებოდა რად აღსრულებად მამასა შენსა, დაგადგინა განმგებელად საქმეთა მისთა ზედა, და გალობითა შე-ჰვედრა სული თჳსი ქრისტესა, ზეცათა მეუფესა და ღმერთსა: ალილუია.

იკოსი 11

დაყავ რად წელნი ათოთხმეტნი წინამძღურობასა შინა,
 მრავალნი საკვრველნი ქმენ და კეთილად განაგებდი
 სამწყსოთა თვისთა, არამედ დაბრკოლდებოდი რად
 თარგმანებისაგან წმიდათა წერილთასა,
 წინამძღურობად ძმათად, ანდერძისაებრ მამისა
 შეჰვედრე ძმის-წულსა მისსა გიორგი ვარაზ-ვაჩესა და
 განაჩინე იგი მამასახლისად და მწყემსად ივირონსა,
 მაშინ აღაშენა მან ეკლესია დიდი ღმრთისმშობლის
 სახელსა ზედა და იწოდა მაშენებელად, ხოლო შენ
 უაღრეს ძალისა თვისისა შეუდეგ წიგნთა საღმრთოთა
 თარგმანებასა და ვალნ კარაულითა, ვიდრე დღედმდე
 შესუენებისა თვისისა, არამედ აღესრულე რად, ჰ,
 საკვრველთმოქმედო ეფთჳმე, ყოველნი, ვითარცა
 ობოლნი, შეიქმნენ მამისაგან, და ჳსენებითა შენითა
 ნუგეშინისცემულნი გიძლუნიდენ ესევითარსა
 გალობასა:

გიხაროდენ, მწყემს-მთავრისა ქრისტჳს მოწაფეო,
 სამწყსოდსა შენისა კეთილად დამმწყსველო და
 უბიწოთა სულთა მოუწყველელად დამცველო;
 გიხაროდენ, მთავართა ბნელისადთა წარმწყმედელო;
 გიხაროდენ, მთაწმინდელთა მრავალფერისა
 საურავისა მჭართა შენთა ზედა აღმღებელო;
 გიხაროდენ, სასწაულთა სიმრავლითა მოსავთა შენთა

განმანათლებლო და წინა-აღმდგომთა ზრახვათა
განმაქარვებლო;
გიხაროდენ, უფიცხლესითა მონაზვნებრივითა
კანონითა მონაზონთა გამომწვრთნელო;
გიხაროდენ, ბრალეულთა სინანულად მომაქცეველო
და ურჩთა განმდევნელო;
გიხაროდენ, ძმათა მაშფოთებელთა და
წინააღმდგომთა შეჩუენებითა საშინელითა განმაკანონ-
ებელო;
გიხაროდენ, მარადის ძაძითა და ჯაჭვთა შემოსილო
და კვიპრეს ეკლესიისა საყდართა ზედა
კათალიკოსობისა არა თავს-მდებელო;
გიხაროდენ, მედგართა მკულელთა მიერ მახვლით
დაჩხვეპასა და სიკუდილსა ორგზის საკვრველად
განრინებულო;
გიხაროდენ, მთასა ათონისასა ფერისცვალებას
უბრწყინვალეს მზისთუალისა განბრწყინვებულო;
გიხაროდენ, მეორედ ელიად წოდებულო, ჟამსა
გვალვისასა წვმისა მომყვ-ანებელო;
გიხაროდენ, ღირსნო მამანო ათონელნო, ჭემმარიტნო
მწყემსნო და მოძღუარნო ქართველთა ერისანო!

კონდაკი 12

იღუწიდა რად ივერთა საღმრთოსა მონასტერსა,
ბრწყინვალედ აღწერა „ცხორებად“ თქუენი და

„ლუაწლი“ გიორგი მთაწმიდელმან, სარგებელად სულთა და შესაძინელად მრავალთა, რომელთა უნებს ცხორებად, და ძეგლად სარწმუნოებისად აღუმართა ერსა ჩუენსა, რადთა ვსენებად თქუენი არა დავიწყებულ იქმნეს ნათესავთაგან მომავალთა, ხოლო თვთ აუწყა ქართველთა სარწმუნოებისა სიწმიდს ანტიოქიის პატრიაქსა და განუმარტნა რად ღმრთისმეტყუელებანი, ძნიად მისაწდომელნი, დაჯსნა ცილისწამებად სჯმეონ-წმიდელთა მონაზონთადა და განამტკიცა ივერთა ეკლესიის თვთმყოფადობაი, ამისთვსცა თქუენთანა ვაქებთ მუშაკსა მას სიბრძნისასა და შევსწირავთ ღმერთსა სამადლობელსა ქებისასა: ალილოუია.

იკოსი 12

ეკლესიადა ქართველთადა შჯლთა თვსთა თანა შეიმკუების ბრწყინვალედ სამკაულითა წმიდათა წიგნთა თქუენთათა და ეფთვმისთანა ვაქებს გიორგის, მვედრებელად და მეოხად ჩუენთვს მდგომარეთა წინაშე ღმრთისმშობლისა, რომელმანცა ეფთვმის სიმრთელს მიანიჭა და ენად კეთილად მეტყველი ქართულად, და შენ - სიბრძნს და მეცნიერებადა განსამტკიცებლად მართლისა სარწმუნოებისა, ხოლო თქუენ განანათლეთ მისდა წილ-ხდომილი ქუეყანადა საქა-რთველოდასა და მიუბოძეთ სწავლანი

ყოვლადშუენიერნი ერსა თჳსსა, ეგრეთვე აწ შესწირეთ
ვედრებაჲ ჩუენი ყოვლად-უბიწოსა დედოფალსა,
ვიდრე აღსრულებადმდე საუკუნისა დაიცვას ივერიაჲ
და ერი ივერიისაჲ, რომელი უფროს ყოველთა
ნათესავთა გამოირჩია, რადთა ღირსებითა და
სიწმიდითა ვიდოდეთ მამულ-პაპურსა გზასა ზედა
და მარადის გაქებდეთ თქუენ, ეკლესიისა და ერისა
ჩუენისა მოლუაწეთა:

გიხაროდენ, კანონნო და სიქადულნო
მღდელობისანო;

გიხაროდენ, მონაზონნო და ილუმენნო ივერთა
სავანისანო;

გიხაროდენ, მამანო და მკურგალენო მფარველნო
წმიდისა მთისანო;

გიხაროდენ, მუშაკნო სიბრძნისანო და მთარგმნელნო
წმიდისა წერილისანო;

გიხაროდენ, ღმრთივ-აღძრულნო ქნარნო სიტყუათა
დავითისანო;

გიხაროდენ, ჭემმარიტო ამაღორძინებელნო
ღმრთისშემეცნებისანო;

გიხაროდენ, ხატნო სულიერისა სისრულისანო და
დაფარულთა მცნობელნო უფსკრულნო გულისჯმის-
ყოფისანო;

გიხაროდენ, ახალნო ოქროპირნო, განმანათლებელნო
ქართველთა ერისანო;

გიხაროდენ, ბრძენო ქადაგო მოციქულთა და მამათა
სწავლებლისანო;

გიხაროდენ, დამაყენებელნო მძნვარისა მის
სულიერისა სიყმილისანო;

გიხაროდენ, ქრისტეს მიერ მიმღებელნო ძლევისა
გზრგზნისანო;

გიხაროდენ, ღირსნო მამანო ათონელნო, ჭემმარიტნო
მწყემსნო და მოძღუარნო ქართველთა ერისანო!

კონდაკი 13

ჟ, მწყემსნო სახიერნო და მოძღუარნო სულიერნო:

იოვანე და გაბრიელ ქართველნო, თორნიკ-ყოფილო
იოვანე და ეფთჳმი და გიორგი მთაწმიდელნო!

სარწმუნოებითა შევრდომილნი მტკიცესა მას თქუენსა
მეოხებასა და მამობრივსა მაღლსა და შეწევნასა

შეგზწყალეთ და გვკსენით ცოდვათაგან ბოროტთა და
უძლურებათაგან და მრავალთა მათგან საფრხეთა

ეშმაკისადათა, რადათამცა განვიბანენით ჳორციითა
სულთა თანა მწიკულისა მისგან საცთურთა

მტერისათა და წარვემართენით ჩუენ მცნებათა გზასა,
რომელი მიმიყვანებს ჩუენ ცხორებასა მას

განწმედილთასა, ჩინებულთა ღმრთისათა და მათ
თანა ვადიდებდეთ ყოვლადწმიდასა სამებასა:

აღილუია.

ეს კონდაკი 3-გზის, შემდგომ:

სავედრებელი ლოცვა

ჰ, ყოვლად ღირსნო და ღმერთშემოსილნო მამანო ჩუენნო, იოვანე და გაბრიელ ქართველნო, თორნიკ-ყოფილო იოვანე, და ეფთჳმი და გიორგი მთაწმინდელნო! ვარსკვლავნო უდაბნოდსანო ყოვლად ბრწყინვალენო, მარხვისა და ლოცვისა სუეტნო მტკიცენო, მონაზონთა სიქადულნო და მოლუაწეთა სამკაულნო, ქართველთა განმანათლებელნო, გლახაკთა ნუგეშინისმცემელნო და ყოველთა უღონოთა და განწირულთა შემწენო და შესავედრებელნო!

ჰ, ღმრთივგანბრძნობილო მამანო და მოძლუარნო ქართველთანო, იოვანე და გაბრიელ იბერნო, თორნიკ-იოვანე, და ეფთჳმი და გიორგი მთაწმინდელნო, ჩუენტჳს მეოხნო ბრძენნო მოლუაწენო! რომელნი მადლითა და წყალობითა ღმრთისადთა წმიდასა მთასა მიიწიენით ნავთსაყუდელად სულთა და განმამრავლებლად ნათესავისა ჩუენისა, მამობრივითა მოწყალებითა თქუენითა შეგვაწყნარეთ ღმერთსა სახიერსა, რადთა სიყუარული იგი თჳსი ჩუენდამო და სარწმუნოებაჲ ჩუენი მისა მიმართ განაახლოს და ნათესავი ჩუენი კუალად განამრავლოს დიდებულსა მონასტერსა შინა ივერთასა, რადთა თაყუანისცემდენ და მსახურებდენ ყოველთა ქრისტეანეთა სასოსა და

უფროდს ეკლესიისა და ერისა ჩუენისა მფარველსა -
ივერიის კარისა ღმრთისმშობლისა ხატსა,
პორტაიტისად წოდებულსა და საკვრველთმოქმედსა,
რამეთუ არცაღა-რად ერთი ქართველი იპოების
სავანესა ამას თქუენსა, რომელი ესე დიდითა
ღუაწლითა აღაშენეთ სამკვდრებელად ქართველთა.
ევედრენით თქუენ მიერ შეყუარებულსა ტკბილსა
იესუს, რადთა წყალობითა მოხედოს დედისა თვისა
წილხდომილსა ერსა ჩუენსა, მტვრთველსა
საუფლოდსა ჯუარისადსა ქუეყანასა ზედა, და მეფე
ქრისტეს-მოყუარე ცხებულ-ჰყოს და გვრგვინოსან
საყდარსა ზედა სრულიად საქართველოდსასა, რადთა
კეთილად განაგებდეს და იურვიდეს ერსა
ქართველთასა და აღადგენდეს მამულისა ჩუენისა
ერთობასა და აღამაღლებდეს ღირსებასა და
ძლიერებასა ქუეყანისა და ნათასავისა ჩუენისასა,
რადთა არა ჰსთქუან ურიცხუთა მტერთა ჩუენთა, სადა
არს ღმერთი მათი, რომლისა მიმართ აქუთ სასოებად.
განაძლიერეთ უწმიდესი და უნეტარესი, სრულიად
საქართველოდს კათალიკოს-პატრიარქი, მცხეთა-
თბილისის მთავარეპის-კოპოსი, და ბიჭვინთისა და
ცხუმ-აფხაზეთის მიტროპოლიტი, დიდი მეუფე,
მამად ჩუენი (სახელი), ყოვლადსამღდელონი
მიტროპოლიტნი, მთავარეპისკოპოსნი და
ეპისკოპოსნი, ყოველნი სამღდელო და სამონაზვნო

წესნი და ყოველნი მართლმადიდებელნი ქრისტიანენი.

ჰ, ზეცისა კაცნო და ქუეყანისა ანგელოზნო: იოვანე და გაბრიელ ქართველნო, სახელ-დიდო თორნიკყოფილო იოვანე, და ეფთჳმი და გიორგი მთაწმინდელნო! ნუ დასცხრებით ვედრებად ქრისტჳს მიმართ, ღირსნო, რადთა მოჰმადლოს ეკლესიათა დიდებად, მოძღუართა ამათ ჩუენთა მოშურნეობად და მღვიძარებად სულთათჳს; მთავართა - სიბრძნჳ, ძლიერებად და კეთილად მწყსად ერისად; მსაჯულთა - სამართალი თუალუხუავი; მკედართა მამაცობად; წინამძღუართა - გონიერებად და სიმდაბლჳ; ერისაგანთა უცოდველობად და დედათა კრძალულებად; მეუღლეთა - სიყუარული და თანხმობად; შჳლთა - მორჩილებად; ჩაგრულთა - თმენად; მჩაგვრელთა შიში ღმრთისად; მწყუხარეთა სულგრძელებად; მხიარულთა მოზღუდვილობად და სული გონიერებისად და ღმრთისმოსავობისად, ხოლო ჩუენ შეგვინდოს ამოღ და ცრუ მორწმუნეობად, ამჰარტავნებად, ზაკუვად, ღალატი, შური, სიძულვილი, ანგარებად, უმადლოებად, დრტვინვად, კლვანი, პარვანი, სიძვანი, უწესობანი, და მოგუანიჰოს კეთილ-მოქალაქობით ცხორებად, ქუელის საქმითა განშუენებად, წმიდითა ლოცვითა განათლებად, აღსარებითა განწმედად, ზიარებითა განბრწყინვებად, პატიოსნად მიცუალებად,

სასუფეველსა დამკვდრებად, ანგელოზთა თანა გალობად, წმიდათა თანა სუფევად, და თქუენ თანა დიდებად და მადლობად, რამეთუ მისა ჰმუნის ყოველი დიდებად, პატივი და თაყუანისცემად, თანა მამით და სულით წმიდითურთ, აწ და მარადის და უკუნითი უკუნისამდე, ამინ.

ღირს არს ჭემმარიტად, რადთა გადიდებდეთ შენ, ღმრთისმშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩუენისა, უპატიოსნესსა ქერუბიმთასა და აღმატებით უზესთაესსა სერაბინთასა, განუხრწნელად მშობელსა სიტყვისა ღმრთისასა, მხოლოსა ღმრთისმშობელსა გალობით გადიდებდეთ.

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგჳწყალენ (3-გზის).

უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისადათა, მადლითა და მეოხებითა წმიდათა მამათა ჩუენთა და წინამძღურთა ეფთჳმე მთაწმიდელისადათა და გიორგისითა, და სხუათა ღირსთა და ღმერთშემოსილთა მამათა ჩუენთა ათონელთადათა, და ყოველთა წმიდათა, შეგჳწყალენ ჩუენ, ამინ.

შეადგინა თინათინ მჭედლოშვილმა

